



ATASSUT
Postboks 399
3900 Nuuk
+299 32 33 66
+299 34 62 53
Fax: +299 32 58 40
atassut@greennet.gl
www.atassut.gl

Nuuk 26. Oktober 2006

Inatsisartut Suleriaasianni § 36, imm. 1 naapertorlugu Naalakkersuisunut apeqquteqaat imattoq matumuuna saqqummiuppara:

Naalakkersuisunut apeqqut: Qasigiannguani, Qeqertarsuarmi, Kangaatsiamilu imaatigut silaannakkullu angallanneq maannakkumiit allaanerusumik isikkulerlugu 2007-imiit aallartittumik aaqqissuussiffigineqarniarpa?

(Inatsisartuni ilaasortaq Kristian Jeremiassen, ATASSUT)

Tunngavilersuut:

Januar 2006 aallarnerfigalugu silaannakkut imaatigullu angallanneq allanngortiteriffingeqarnerata kingorna illoqarfinni pineqartuni angallannikkut atugassarititaasut ajortilluinnarsimapput. Ajoraluartumik illoqarfifiit pineqartut tikinniarlugit aallarfiginiarlugillu ajornarninngorsimapput.

Angallatit mikinerusut atorlugit angallassisoqartapoq matumanit pineqarlutik "Najaaraq Ittuk" aamma "Aviaq Ittuk". Angallatit pineqartut sukkulluunniit naatsorsuutigineqarsinnaanngillat, tassami Qasigiannguaniit, Qeqertarsuarmiit, Kangaatsiamilli aallaraanni Ilulissani Aasianniluunniit unnuisoqqaartariaqarpoq illuatugaatigullu Qasigiannguanukarniaraanni, Qeqertarsuarmukarniaraanni Kangaatsiamukarniaraanniluunniit aamma unnuisoqqaartariaqartarluni.

Naatsumik oqaatigalugu illoqarfinni pineqartuniit angalasoqaraangat Hotel-ini somandshjem-ini vandrehjem-iniluunniit unnuisoqqaartariaqartapoq tamannalu amerlasoorpassuarnik akissaqarfigineqarneq ajorpoq.

Taamaammat ataani allassimasut Naalakkersuisunut apeqquteqaatiginiarpakka:

1.

Naalakkersuisut isumaliutigivaat ukioq kaajallallugu Qasigiannguani, Qeqertarsuarmi, Kangaatsiamilu timmisartoqartaleqqinnissaa?

2.

2007-imi imaatigut angallannikkut umiarsuarnik anginerusunik Qasigiannguit, Qeqertarsuaq, Kangaatsiarlu tikittoqartalernissaa innuttaasut naatsorsuutigisinnavaat? Tassani pineqarput umiarsuit ilaasartaatit Aasiannut Ilulissanullu tikittartut.

3.

Imaatigut silaannakkullu angallassineq siunissami Naalakkersuisut Qasigiannguani, Qeqertarsuarmi, kangaatsiamilu qanoq ittoq takorloorpaa? Apeqqummi tunngavingivara maannakkutut pissutsit ajortut ingerlatiinnarneqassanersut imaluunniit Naalakkersuisut qanoq pittaanerusumik pilersaaruteqarnersut paaserusukkakku.

Piaarnerpaamik akineqarnissara kissaatigivara, kingusinnerpaamillu november qiteqqutsinnagu akineqareersimanissara naatsorsuutigaara

Akissutillu ingerlateqquneqarput allakkatigut email-ikkullu ukununnga: krje@gh.gl aammalu
Landsting@gh.gl

Inussiarnersumik inuulluarit

Kristian Jeremiassen

Inatsisartuni ilaasortaq (A)